

## **PRAVILA NAGRADNE IGRE „SWISSLION ČAROLIJA POČINJE!”**

### **1. OSNOVNE INFORMACIJE O PRIREĐIVAČU NAGRADNE IGRE**

Priredivač nagradne igre (u daljem tekstu: Priredivač) je RDT Swisslion doo, Nikšički put bb, 89101 Trebinje, PDV broj 401941690008, ID broj 4401941690008

### **2. NAZIV NAGRADNE IGRE**

Naziv nagradne igre je „SWISSLION ČAROLIJA POČINJE!”

### **3. TRAJANJE I SVRHA PRIREĐIVANJA NAGRADNE IGRE**

- 1) Nagradna igra traje u periodu 20.11.2024. do 20.12.2024. godine, a priređuje se u svrhu promocije proizvoda kompanije Swisslion.
- 2) Nagradna igra organizuje se na teritoriji Federacije Bosne i Hercegovine.
- 3) Organizator će prije početka nagradne igre, objaviti Pravila nagradne igre u jednim dnevnim novinama dostupnim na teritoriji Federacije Bosne i Hercegovine, i navesti broj i datum Rješenja Federalnog ministarstva finansija, kojim je data saglasnost na ova Pravila.
- 4) Organizator će obezbjediti sve preduslove tokom trajanja ove nagradne igre, kojima će u najvećoj mogućoj mjeri omogućiti obavezno izvlačenje dobitnika svih nagrada i podjelu cjelokupnog nagradnog fonda.
- 5) Organizator će nagradnu igru provesti pod uslovima, koji su u skladu i sa drugim zakonskim i podzakonskim propisima i opštim moralnim načelima.
- 6) Za vrijeme trajanja nagradne igre, pravila su dostupna i na web stranici [www.swisslionnagradauje.ba](http://www.swisslionnagradauje.ba)

### **4. USLOVI UČESTVOVANJA U NAGRADNOJ IGRI**

- 1) Pravo učešća u nagradnoj igri imaju fizička lica, koja su nastanjena u Federaciji BiH, koja su punoljetna i koja tokom promotivnog perioda od 20.11.2024. do 20.12.2024. godine u svim Bingo maloprodajnim objektima na području FBiH, kupe bilo koje Eurocrem i/ili Eurovafel proizvode (bilo koje gramaže) u minimalnom iznosu od 10,00 KM ili više na jednom fiskalnom računu i pošalju SMS poruku sadržaja: **broj fiskalnog računa (razmak) ime i prezime (razmak) i grad iz kojeg je učesnik na broj 091 112 413**, na primjer: 12345 Srećko Srećković Sarajevo ili se prijavi putem web forme [www.swisslionnagradauje.ba](http://www.swisslionnagradauje.ba).

Cijena SMS poruke je 0,10 KM + PDV za korisnike iz svih mobilnih mreža (BH Telecom, HT Eronet, Mtel i druge), dok je prijava putem web forme [www.swisslionnagradije.ba](http://www.swisslionnagradije.ba) je besplatna.

Cijene SMS poruka se neće mijenjati tokom nagradne igre. Svi učesnici će dobiti povratnu poruku da je njihova poruka primljena i potvrdu da učestvuju u nagradnoj igri. U slučaju da šalju neispravan sadržaj dobiće povratnu poruku/informaciju da je njihova poruka nevažeća.

2) Račun je potrebno sačuvati kao dokaz o obavljenoj kupovini i prijavi na nagradnu igru, te je isti potrebno dati na uvid prilikom verifikacije nagrade. Deklarisani dobitnici će trebati pokazati originalni račun Organizatoru i tehničkoj podršci (SMS Vision doo) na uvid kao dokaz o vjerodostojnosti računa. Broj kupovina i učešća nije ograničen. Prijave računa sa istim brojem ili duplikati originalnih računa neće biti tretirani kao ispravni i neće biti uzeti u obzir za nagradno izvlačenje. Organizator nije odgovoran za SMS poruke i web prijave koje nisu potpune ili koje nisu stigle.

3) Jedan igrač može s jednim računom biti izvučen kao dobitnik samo jednom, ali jedan igrač sa različitim računima može više puta biti izvučen i osvojiti više nagrada.

4) U nagradnoj igri ne mogu učestvovati maloljetne osobe, kao ni osobe koje nisu nastanjene/nemaju stalno mjesto boravka na teritoriji Federacije Bosne i Hercegovine. U nagradnoj igri ne mogu učestvovati ni osobe koje ne prihvataju odredbe i uslove ovih Pravila, kao ni zaposleni Organizatora i tehničke podrške i zaposleni u kompaniji Bingo doo, za koju se sprovodi nagradna igra, kao ni članovi njihove uže porodice (sin/kćerka, roditelji, brat/sestra ili supružnik).

5) Učestvovanjem u nagradnoj igri učesnici prihvataju ova Pravila nagradne igre.

## **5. NAČIN IZVLAČENJA DOBITNIKA NAGRADA**

1) Dobitnici će biti izvučeni nasumičnim putem posebno u tu svrhu izrađene aplikacije kroz kompjuterski softver, koja obuhvata prijave putem SMS poruka i putem web forme.

Organizator ne snosi odgovornost za bilo kakve probleme nastale tokom promotivnog perioda, a koji se odnose na tekstualne poruke, internet i mobilne mreže sa kojih se poruke/prijave šalju te probleme koji su tako nastali i koji nemaju veze sa voljom Organizatora. SMS poruke se šalju/unose od 20.11.2024. do 20.12.2024. do 23:59:59 h. Neće se uzeti u obzir vrijeme kada je poruka poslana već kada je primljena. Jedan učesnik može poslati neograničen broj poruka za neograničen broj kupovina učestvujućih proizvoda, iskazanih na odvojenim računima. Račun je potrebno sačuvati kao dokaz o obavljenoj kupovini i prijavi na nagradnu igru, te je isti potrebno dati na uvid prilikom verifikacije nagrade. Nakon izvlačenja, od dobitnika nagrade će se tražiti da predoči Organizatoru i tehničkoj podršci račun od kupovine da bi se potvrdilo da je kupovina obavljena u skladu sa mehanizmom ovih Pravila i u periodu nagradne igre.

Finalno izvlačenje će se odvijati u prostorijama kompanije SMS Vision d.o.o Banja Luka, Mladena Stojanovića 11, 78000 Banja Luka i to 21.12.2024. u 12:00h.

U finalnom izvlačenju učestvuju svi pristigli fiskalni računi u periodu trajanja nagradne igre (od 20.11.2024. u 00:00 h do 20.12.2024. u 23:59 h).

3) Za svaku nagradu izvlači se i po 2 (dva) alternativnih dobitnika, koji se smatra dobitnikom u slučaju da prvobitno izvučeni dobitnik ne ispunjava uslove (npr. dobitnik izjavi da je izgubio fiskalni račun ili u slučaju da prvobitnog dobitnika nije moguće obavijestiti o osvajanju nagrade u roku od 3 dana, jer je naveo nepostojeću ili pogrešnu adresu ili kontakt telefon i sl.

4) Učesnici su dužni da svoje račune čuvaju minimalno 30 dana od dana finalnog izvlačanja, za slučaj da eventualno jedan od njih bude alternativni/rezervni dobitnik jedne od nagrada, kako bi isti mogao dati na uvid i potvrditi njegovu regularnost u skladu sa pravilima ove nagradne igre.

## **6. SASTAV KOMISIJE ZA IZVLAČENJA NAGRADA**

(1) Organizator će imenovati Komisiju (najmanje tri člana), koja će nadgledati regularnost javnog izvlačenja dobitnika.

(2) O toku izvlačenja Komisija će voditi zapisnik koji će minimalno sadržavati:

- a) mjesto, vrijeme i način izvlačenja
- b) broj i datum Rješenja Federalnog ministarstva finansija,
- c) datum i naziv medija u kojem su pravila nagradne igre objavljena,
- d) imena i prezimena članova komisije,
- e) imena, prezimena i adrese dobitnika
- f) naziv i vrijednost nagrade pojedinog dobitnika.

## 7. FOND NAGRADA

1) Nagradni fond se sastoji od:

NAGRADNI FOND	Broj nagrada	VIJEDNOST POJEDINAČNIH NAGRADA sa PDVom	UKUPNO BAM sa PDV-om
1. SL PANORAMA HOTEL, Grad Sunca Trebinje – doček Nove godine za 2 osobe na bazi punog pansiona,(2 noći i 3 dana), (djeca do 5 godina su na gratisu, a preko 5 (6-18 godina) plaćaju doplatu za puni pansion po danu 70,00KM)-x1	1	496.00	<b>496.00</b>
2. APARTMANSKO NASELJE BIJELI GRAD, Grad Sunca Trebinje - doček Nove godine za 2 osobe na bazi punog pansiona, korišćenje SPA centra (djeca do 5 godina su na gratisu, a preko 5 (6-18 godina) plaćaju doplatu za puni pansion po danu 70,00KM)	1	452.00	<b>452.00</b>
3. Laptop HP 255 G8 R7-5700U 8GB	1	1292.00	<b>1292.00</b>
4. Samsung telefon A556 Galaxy A55 8GB	2	765.00	<b>1530.00</b>
5. Xiaomi redmi Watch 4 - pametni sat	2	210.00	<b>420.00</b>
6. Poklon paket Swisslion proizvoda	50	20.00	<b>1000.00</b>
<b>UKUPNA VRIJEDNOST</b>			<b>5190.00</b>

Ukupna vrijednost nagrada je 5190.00 KM (PDV uračunat) po fiksnom kursu Centralne Banke, na dan 17.10.2024.

Nagrada pod rednim brojem 1. sadržava:

SL PANORAMA HOTEL, Grad Sunca Trebinje - doček Nove godine za 2 osobe na bazi punog pansiona,(2 noći i 3 dana), (djeca do 5 godina su na gratisu, a preko 5 (6-18 godina) plaćaju doplatu za puni pansion po danu 70,00KM. Sve ostale troškove snosi dobitnik.

Nagrada pod rednim brojem 2. sadržava:

APARTMANSKO NASELJE BIJELI GRAD, Grad Sunca Trebinje - doček Nove godine za 2 osobe na bazi punog pansiona, korišćenje SPA centra (djeca do 5 godina su na gratisu, a preko 5 (6-18 godina) plaćaju doplatu za puni pansion po danu 70,00KM). Sve ostale troškove snosi dobitnik.

3) Nagradni fond se ne može zamijeniti za novac. Dobitnik nema pravo zahtijevati drugačiju nagradu ili nagradu čija vrijednost prelazi iznos naveden u ovom članu Pravila.

4) Kako je navedeno i u mehanici nagradne igre maloljetne osobe ne mogu učestvovati u ovoj nagrandoj igri, tako da ne mogu biti ni dobitnici jedne od nagrada.

Organizator ne snosi odgovornost u slučaju ograničavanja putovanja i kretanja stanovništva kao npr., ali ne isključivo u slučaju zabrana povezanih sa zaraznom bolešću COVID 19 ili nekom drugom zaraznom bolešću.

## **8. NAČIN OBAVJEŠTENJA I OBJAVLJIVANJA DOBITNIKA NAGRADA**

1) Priređivač je dužan najkasnije u roku od 8 dana od dana izvlačenja, obavijestiti dobitnike o osvojenim nagradama.

2) Dobitnik je dužan da u roku od najviše 3 dana dostavi sliku računa u skladu sa instrukcijama Organizatora koje će dobiti telefonskim putem, kako bi se potvrdila ispravnost konkretnog računa i to putem korisničke podrške: 066 020 020 (Viber text) ili na [korisnicka.podrska@smsvision.ba](mailto:korisnicka.podrska@smsvision.ba)

3) Rezultati nagradne igre i imena dobitnika nagrada biće objavljeni na [www.swisslionnagrada.ba](http://www.swisslionnagrada.ba)

4) Ukoliko zbog okolnosti za koje nije kriv Organizator (dostavljeni pogrešni lični podatci od strane učesnika, učesnik se ne nalazi na navedenoj adresi, vanredne okolnosti i sl.), nije moguće obavijestiti dobitnike nagrada, Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

## **9. MJESTO I ROK ZA PODIZANJE NAGRADA**

Nagrade pod rednim brojem 1. i 2. iz Člana 7.se mogu realizovati do kraja 2024. godine, ne uključujući novogošnje aranžmane. Dobitnik je dužan prije boravka kontaktirati Organizatora radi dogovora o terminima i to telefonom na broj 059 491 200.

1) Dobitnici će preuzeti nagrade osvojene u nagradnoj igri najkasnije u roku od 30 dana od dana obavijesti Organizatora osim u slučaju dobitka nagrade pod rednim brojem 1. i 2. gdje je krajnji rok za preuzimanje nagrade 30.12.2024.

2) Ako dobitnik u roku od 30 dana od dana prijema obavijesti o osvojenoj nagradi, a u skladu sa stavom 1), ne preuzme osvojenu nagradu, gubi pravo na nagradu a Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

3) Dobitnik ne može biti maloljetna osoba

4) Prilikom preuzimanja nagrade dobitnik potpisuje izjavu o preuzimanju nagrade.

5) Nagrade pod rednim brojem 1. i 2. (hotelski aranžmani) će biti realizovani u dogovoru sa Organizatorom, dok će nagrade pod rednim brojem 3, 4, 5 i 6 biti dostavljene na kućnu adresu.

6) Organizator je odgovoran za pravovremeno i tačno informisanje učesnika u nagradnoj igri o njegovim pravima i obavezama kod preuzimanja nagrada. Odgovornost organizatora nagradne igre, ne prestaje u slučaju kada je dobitniku uručena nagrada koja predstavlja uslugu, a realizaciju iste vrši drugo lice.

7) Organizator ne preuzima nikakvu odgovornosti za bilo kakvu štetu koja bi eventualno nastala kao posljedica nakon preuzimanja ili korištenjem proizvoda iz nagradnog fonda pod rednim brojem 3, 4, 5 i 6.

8) Porez na dohodak na nagradu ostvarenu učešćem u nagradnoj igri, obračunat će se u skladu sa propisima Zakona o porezu na dohodak FBiH, a organizator preuzima obavezu plaćanja poreza na dohodak.

## **10. USLOVI POD KOJIM SE NAGRADNA IGRA MOŽE IZMJENITI, PREKINUTI ILI OTKAZATI**

1) Pravila nagradne igre ne mogu se mijenjati nakon što je nagradna igra počela, osim ukoliko za to postoje opravdani razlozi ili zbog nastupanja okolnosti više sile.

2) U slučaju prekida ili otkazivanja nagradne igre usljed nastupanja vanrednih okolnosti, organizator će o navedenom obavijestiti Federalno ministarstvo finansija.

3) Federalno ministarstvo finansija daje saglasnost na izmjenu pravila igre, prekid i otkazivanje nagradne igre, ukoliko su razlozi zbog kojih se traži dokazani od strane Organizatora ili opštepoznati, a Organizator će učesnike o navedenom obavijestiti na isti način na koji su objavljena ranije odobrena pravila nagradne igre.

4) Ukoliko nagradni fond nakon završetka nagradne igre ne bude podjeljen učesnicima na način predviđen Pravilima ove nagradne igre (usljed isteka roka za podizanje nagrada, nepostojanje dovoljnog broja učesnika, ukoliko dobitnik izjavi da je izgubio original fiskalni račun i sl.) ili zbog eventualnog prekida odnosno otkazivanja igre usljed dejstva okolnosti koje imaju karakter više sile, organizator će nagradni fond prodati, a sredstva ostvarena prodajom uplatiti ravnomjerno na račune humanitarnih organizacija navedenih u članu 17. stav (1) Zakona o igrama na sreću.

## **11. KORIŠĆENJE LIČNIH PODATAKA**

1) Učešćem u nagradnoj igri, učesnici potvrđuju prihvaćanje ovih Pravila i daju saglasnost Organizatoru da prikuplja i obrađuje navedene lične podatke isključivo u svrhu provođenja ove nagradne igre i na način kako je to opisano u ovim Pravilima. Prikupljeni lični podaci koriste se za samo evidenciju Organizatora.

2) Organizator je odgovoran za obradu podataka u skladu sa propisima o zaštiti ličnih podataka, i poduzeti će sve potrebne mjere da bi se osiguralo sigurno korištenje i obrada ličnih podataka

učesnika u nagradnoj igri i u skladu sa važećim propisima, a učesnici imaju pravo da budu informisani o činjenici da se podaci prikupljaju i da budu budu upoznati sa podacima.

3) Učesnik u nagradnoj igri je odgovoran za davanje tačnih podataka Organizatoru, u cilju provođenja ove nagradne igre.

4) Učesnici prihvatanjem ovih Pravila daju svoju saglasnost da, ako postanu dobitnici nagrada, organizator može proslijediti njihove lične podatke trećim licima (odabranoj dostavnoj službi isključivo u svrhu dostave osvojene nagrade u nagradnoj igri, u računovodstvene svrhe radi eventualnog plaćanja poreza na dohodak), isključivo u svrhu provođenja ove nagradne igre.

5) Svojim učešćem u nagradnoj igri učesnici su saglasni da, ako postanu dobitnikom nagrade, njihove lične podatke (ime i prezime) Priređivač može objaviti i iskoristiti bez naknade u štampanom, zvučnom i slikovnom obliku te videozapisu. Učesnici nagradne igre svojim učešćem pristaju na prikupljanje, upotrebu i objavu njihovih ličnih podataka navedenih u korisničkom profilu u promotivne svrhe povezane s nagradnom igrom i proizvodima koji su uključeni u nagradnu igru.

6) Organizator će lične podatke učesnika čuvati onoliko vremena koliko je to potrebno za potpunu realizaciju ove nagradne igre.

7) Učesnik može u bilo kojem trenutku povući svoju saglasnost za obradu ličnih podataka dopisom na adresu Organizatora, i prihvata da takvo povlačenje saglasnosti uzrokuje nemogućnost daljnjeg učešća u nagradnoj igri.

## **12. NADLEŽNOST SUDA**

1) Sve žalbe, prigovore i reklamacije rješava Priređivač nagradne igre. U slučaju opravdanih pritužbi, Priređivač se obavezuje da će ih otkloniti u najkraćem mogućem roku i obavijestiti učesnika.

2) Svi eventualni sporovi između Priređivača i učesnika odnosno dobitnika rješavaće se sporazumno.

3) U slučaju da spor nije moguće riješiti sporazumno, isti rješava materijalno nadležni sud.

Trebinje, 17.10.2024.godine

Broj protokola:

Broj rješenja:

---

Generalni direktor  
Milica Mijanović